

ԹԱՍԱՐԱԿ ԹՈՎԱԾԱՍՅԱՆ

ԿՐԹՈՒԹՅՈՒՆ ԶԱՐԳԱՑՄԱՆ ԵՎ ՆՈՐԱՐԱՐՈՒԹՅՈՒՆՆԵՐԻ ԱԶԳԱՅԻՆ ԿԵՆՏՐՈՆ

ԳՐԱԿԱՆՈՒՅՈՒՆ

7

ԴԱՍԱՐԱԿ

ՈՒՍՈՒՄՆԱԿԱՆ ՆՅՈՒԹԵՐ

ԵՐԵՎԱՆ

2021

Ռեմա 1. Ե..Չարենց: Կենսագրական տեղեկություններ, ստեղծագործության ընդհանուր պատկերը: Հղում՝ <https://lib.armedu.am/resource/29287> էջ՝ 9-11

Աղբյուր՝ Դ. Գասպարյան. Գրականություն 7-րդ դասարան, Երևան, Տիգրան Մեծ, 2016, 272 էջ:

1. Կարդա՛ «Ե. Չարենցի կենսագրությունը, ստեղծագործության ընդհանուր պատկերը» նյութը և տեղեկությունները դասակարգիր համապատասխան գծակարգում (անհատական կամ խմբային աշխատանք):

V - գիտեմ

– - իմ իմացածին հակասում է

+ - նոր տեղեկություն է

! - հետքորքիր է, կարելի է քննարկել

V	-	+	!

2. Գտի՛ր յուրաքանչյուր տան բանալի բառը և համապատասխանաբար վերնագրիր: Յուրաքանչյուր տան արտահայտած իմաստն արտահայտի՛ր մեկ ամփոփ նախադասությամբ:

ՀԱՅՐԵՆԻՔՈՒՄ

Ձյունապատ լեռներ ու կապույտ լճեր:

Երկինքներ, որպես երազներ հոգու:

Երկինքներ, որպես մանկական աչեր:

Մենակ էի ես:

Ինձ հետ էիր դու:

Երբ լսում էի մրմունջը լճի

Ու նայում էի թափանցիկ հեռուն–
Չարթնում էր իմ մեջ քո սուրբ անուրջի
Կարոտը այն հին, աստղային, անհո՛ւն:
Կանչում էր, կանչում ձյունոտ լեռներում
Մեկը կարոտի իրիկնամուտին:
Իսկ գիշերն իջնում, ծածկում էր հեռուն,
Իտառնելով հոգիս աստղային մութին...

3. Ե. Չարենցի «Հայրենիքում» բանաստեղծությունից դ՛րս գրիր քեզ անձանոթ բառերն ու արտահայտությունները և բացատրի՛ր դրանց նշանակությունը:

4. «Հայրենիքում» բանաստեղծությունից դ՛րս գրիր բանալի բառերը և կազմի՛ր բովանդակությանը համապատասխան շարադրանք:

5. Հեղինակն ի՞նչ պատկերներով է ներկայացնում հայրենի երկիրը «Հայրենիքում» բանաստեղծության մեջ:

6. Արտահայտի՛ր քո վերաբերմունքը, քո կարծիքը «Ես իմ անուշ Հայաստանի...» բանաստեղծության մասին:

7. Կետերը փոխարինի՛ր այլ մակդիրներով.

Ես իմ..... Հայաստանի..... բառն եմ սիրում,
Մեր..... սազի..... , լարն եմ սիրում,
..... ծաղիկների ու վարդերի բույրը ,
Ու..... աղջիկների..... պարն եմ սիրում:
Միրում եմ մեր երկինքը. , ջրերը..... , լիճը.....,
Արևն..... ու ձմեռվա..... բուրբ.....,
Մթնում կորած խրճիթների.....;պատերը սև
Ու..... քաղաքների..... քարն եմ սիրում:
Ուր էլ լինեմ - չեմ մոռանա ես երգերը մեր,
Չեմ մոռանա աղոթք դարձած.....գրքերը մեր,
Ինչքան էլ սուր սիրտս խոցեն.....վերքերը մեր
Էլի ես որք ու..... իմ Հայաստան յարն եմ սիրում:
Իմ..... սրտի համար ոչ մի ուրիշ հեքիաթ չկա,
Նարեկացու, Քուչակի պես..... ճակատ չկա,
Աշխարհի անցիր, Արարատի նման.....գագաթ չկա,
Ինչպես..... ճամփա՝ ես իմ Մասիս սարն եմ սիրում:

8. Ի՞նչ միտք ծագեց ընթերցելիս: Գրի՛ր քո մտահոգությունների մասին:

9. Ներկայացրո՛ւ բնագրի դրական ու բացասական իմաստով (հակադիր) գործածված մակդիրները:

Դրական	Բացասական

10. Ներկայացրո՛ւ Հայաստանի կերպարը՝ հետևյալ մակդիրները գործածելով. *արևահամ, փառման, հեզանկուն, մուգ, ջինջ, լուսե, վսեմ, հազարամյա, աղոթք դարձած, լուսապսակ, ներմակ, անհաս փառքի նամիս:*

10. Ներկայացրո՛ւ Հայաստանի կերպարը՝ հետևյալ մակդիրները գործածելով. *ողբանվագ, լացակունմած, արևանման, վիշապաձայն, մթու՛ւմ կորած, անհյուրընկած, սև, ողբաձայն, արյունաքամ, ողբ, արևավառ, որբ:*

11. Գրի՛ր շարադրություն՝ «Ինչի՛ շնորհիվ գոյատևեցինք, կանք. ի՞նչը մեզ պահեց հայ» թեմայով:

12. Ի՞նչ կնկարես՝ որպես Հայաստանի խորհրդանշան՝ ելնելով բանաստեղծությունից:

13. Կարդա՛ «Տաղ անձնական» բանաստեղծության նշված տները և մեկնաբանի՛ր՝ կհեռանայի՞ր Հայաստանից. եթե այո՝ ինչո՞ւ, եթե ոչ՝ ինչո՞ւ:

Թողած Կարսում՝ գետի ափին, տունս՝ շինված անտաշ քարով,
Կարսը թողած, Կարսի այգին ու հայրենի երկինքը մով
Եվ Կարինե Քոթանճյանին անգամ չասած մնաս բարով—
Ա՛նց եմ կենում հիմա օտար քաղաքների ճանապարհով:

Ու էլ ամե՛ն մեղքի համար սիրտս հիմա ունի ներում.
Պիտի անդարձ ես հեռանամ, պիտի գնամ՝ ա՛չքս է հեռուն.
Թե Կարինե Քոթանճյանին տեսնեք Կարսի փողոցներում—
Ասե՛ք նրան՝ Չարենցն ասավ- մնա՛ս բարով, մնա՛ս բարով.

14. Բանաստեղծություններից ընտրված մեկ տունը վերլուծի՛ր՝ բնութագրելով քնարական հերոսին:

Անց եմ կենում, շուրջս-մարդիկ, շուրջս դեմքեր հագա՛ր-հագա՛ր.
Շուրջս աշխարհն է աղմկում, մարդկային կյանքն անհավասար.
Եվ ո՞վ կասի՝ ինչո՞ւ ես դու, և ով կասի, թե ո՞ւր հասար,—
Դեմքերը, ախ, բուրբ են այնպես՝ կարծես շինված են տապարով:

15. Գրի՛ր սյուժետային շարադրություն՝ գործածելով հետևյալ բառակապակցությունները.

Կարսի այգի, անտաշ քարով շինված տուն, հայրենիճով երկինք , ամեն մեղքի համար, մնաս բարով չասած, օտար քաղաքների ճանապարհ, ներում ունեցող սիրտ, պիտի անդարձ հեռանալ,Կարինե Քոթանճյան, տապարով շինված դեմքեր:

16. Արտահայտի՛ր կարծիք և հիմնավորի՛ր ասածդ բանաստեղծության քնարական հերոսի վերաբերյալ:

17. Մեկնաբանի՞ր՝ ինչու է Չարենցը իր բանաստեղծությունն վերնագրել «Տաղ անձնական»:

18. Օգտվելով Նաիրի Չարյանի կենսագրությունից՝ ներկայացրո՛ւ գրողի դերն ու նշանակությունը գրականության պատմության մեջ: Հղում՝ <https://lib.armedu.am/resource/29287> (էջ՝ 104-106, աղբյուր՝ Գ. Գասպարյան. Գրականություն 7-րդ դասարան, Երևան, Տիգրան Մեծ, 2016, 272 էջ):

Ուսումնական նյութը սովորողների կողմից լավ յուրացվելուց հետո ուսուցիչը խմբերին բաժանում է հետևյալ գծակարգը՝ լրացնելու (ԳՈՒՍ) :

Ի՞նչ գիտեինք:	Ի՞նչ ովորեցինք:	Ի՞նչը մնաց անհասկանալ:	Ի՞նչ դիտողություն- ներ կամ առաջարկ- կություններ ունենք:

19. «Հայրենի տուն» բանաստեղծությունը ներկայացրո՛ւ արձակ շարադրան- քով օգտագործելով նաև հեղինակային բառապաշարը:

Հղում՝ <https://grakan.art.blog/2019/11/26>

20. Մեկ նախադասությամբ ձևակերպի՞ր «Հայրենի տուն» բանաստեղծության բովանդակությունը:

21. «Հայրենի տուն» բանաստեղծությունից դ՛րս գրիր մեկ բանալի նախադասություն, որը բնութագրում է ողջ բանաստեղծությունը:

22 «Հայրենի տուն» բանաստեղծությունից ընտրի՛ր մեկ բառակապակցություն, որը բնութագրում է ողջ բանաստեղծությունը:

23. Քո իմացած ո՞ր բանաստեղծությունների հետ ընդհանրություն ունի «Հայրենի տուն» բանաստեղծությունը:

24. Նկարագրի՛ր ձեր տունը՝ համեմատելով հեղինակի նկարագրության հետ:

25. Նկարի՛ր էսքիզ կամ որևէ խորհրդանիշ, որն արտահայտի «Հայրենի տուն» բանաստեղծության գաղափարը:

26. Դատի՛ր «Հայերեն» բանաստեղծության հեղինակային գաղափարի, մտահղացման, հիմնախնդրի մասին:
Հղում՝ <https://blog.times.am/?p=286348&l=am>

27. Ներկայացրո՛ւ «Հայերեն» բանաստեղծությունում արտահայտված հույզերն ու ապրումները քառաբաժանի միջոցով:

Ի՞նչ էիր տեսնում «Հայերեն»-ը կարդալիս: ա/ բ/ գ/	Ի՞նչ էիր զգում «Հայերեն»-ը կարդալիս: ա/ բ/ գ/
Ի՞նչ կապ ես տեսնում մեր այսօրվա կյանքի հետ: ա/ բ/ գ/	Նոր վերնագիր ընտրի՛ր:

28. «Հայերեն» բանաստեղծությունում ներկայացրո՛ւ մտահոգությունդ մայրենին անաղարտ պահելու վերաբերյալ՝ համեմատելով հեղինակի նկարագրության հետ: Հղում՝ <https://blog.times.am/?p=286348&l=am>

«Կրկնակի գրառումներով օրագիր»

1.	Ինչո՞ւ չես խոսում հայերեն:	
2.	Ես երգ եմ հյուսում քեզ համար:	
3.		
4.		
5.		
6.		

29. Ի՞նչ գույն ունի բանաստեղծությունը, արդյո՞ք մեկ գույն կարող եք նշել, եթե՛ այո՛, ինչո՞ւ, եթե՛ ոչ՛, ինչո՞ւ:

30. Արձակ շարադրանքով ներկայացրո՛ւ «Հայերեն» բանաստեղծությունը՝ բնագրից վերցրած հենակետային կամ բանալի բառերի միջոցով:

31. Կարդա՛ «Հայերեն» բանաստեղծությունը և քո վերաբերմունքն արտահայտի՛ր՝ պատասխանելով քառաբաժանի հարցերին:


<p>1. Բնութագրող</p> <p>Բնութագրի՛ր բանաստեղծության լիրիկական հերոսին:</p>	<p>2. Չգացմունքներ արտահայտող</p> <p>Ի՞նչ զգացումներ ունեցար բանաստեղծությունը կարդալուց հետո:</p>
<p>3. Կենսափորձ</p> <p>Բանաստեղծության բովանդակությո՜ւնը ի՞նչ հիշեցրեց քեզ: Ի՞նչ համանման պատմություն ես ընթերցել կամ կինոնկար դիտել:</p>	<p>4. Իմաստավորում</p> <p>Նոր վերնագիր դի՛ր յուրաքանչյուր տանը՝ բովանդակությունից ելնելով:</p>

32. Գտի՛ր օրինաչափություններ «Ես իմ անուշ Հայաստանի...» բանաստեղծության հետ, նշի՛ր նմանություններն ու տարբերությունները:

33. Համեմատի՛ր Ն. Չարանի և Վ. Տերյանի բանաստեղծությունների տողերը, գտի՛ր նմանություններն ու տարբերությունները՝ գետեղելով վեների գծակարգում:

«Դու չես հասկանում իմ լեզուն://Ես խորթ եմ, օտար քո հոգուն... » Ն. Չարանի:

«Մեզ չի հասկանա օտարերկրացին, // Մեզ չի հասկանա սառն օտարուհին», Վ. Տերյան:



34. Բանաստեղծությունից դո՛ւրս գրի՛ր մակդիրներն ու համեմատությունները և դրանք գործածի՛ր նախադասությունների մեջ:

35. Թեմատիկ գրավոր աշխատանք-1 (Ծիծեռնավանք-փոխադրություն, Թ. Թովմասյան, Գ. Մկրտչյան, Փոխադրության նյութերի ժողովածու, 5-9-րդ դասարաններ, Էդիթ Պրինտ, 2018):
Հղում՝ http://editprint.am/index.php?route=product/product&product_id=1046

Հոչանց գյուղի մելիք Թումանը շարունակ նեղացնում է գյուղի քահանային: Մելիքից ազատվելու համար սա մի անեծքաթուղթ է գրում, զցում նրա սենյակն ու փախչում: Այդ թղթի ուժով մելիքը կորցնում է կնոջը, որդիներին և ողջ հարստությունը: Հասկանալով, որ բոլոր դժբախտությունների պատճառը քահանայի անեծքն է, մելիքը գնում է՝ նրանից թողություն խնդրելու: Անցնելով շատ քաղաքներ՝ հասնում է Հռոմ և իմանում, որ քահանան արդեն վախճանվել է: Նա հուսահատությունից մնում է Հռոմի վանքերից մեկում՝ իբրև լուսարար, և միշտ աղոթում իր հոգու փրկության համար: Որոշ ժամանակ անց, մելիքը, չգիտես՝ ինչու, կծում է Պետրոս առաքյալի ճկույթը և պահում բերանում: Դրանից վանքի սրբապատկերները գետնին են թափում: Քահանաները փորձում են հանել մելիքի բերանից մասունքը ու սպանել նրան: Մեղանից մի ձայն ասում է. «Մի՛ մոտեցեք մելիքին»: Մելիքը անվտանգ գալիս է հայրենի երկիրը:

Պաշտամունք դարձած մի շլորի ծառի տեղում մելիքը վանք է կառուցում, ուր և ամփոփում է Պետրոս առաքյալի ճկույթը (ծիծեռնը): Դրա համար էլ վանքը կոչվում է Ծիծեռնավանք:

Ըստ Ա. Ղանաթանյանի

ԲԱՌԱՐԱՆ

Շորր – սալոր

Ծիծեռն – ճկույթ

Մելիք – իշխան

Առաքյալ – Քրիստոսի 12 աշակերտներից յուրաքանչյուրը, ով տարածում էր նրա ուսմունքը

Մասունք – եկեղեցական սրբերի կմախքի մասեր, որոնք հրաշագործ գորություն ունեն

Ամփոփել – այստեղ՝ թաղել

Հուշումներ

1. Տրված է բնագրի փոխադրման պլանը: Կարելի է օգտվել դրանից կամ կազմել նորը:

ա/ Մելիքը նեղացնում է գյուղի քահանային:

բ/ Քահանան անիծում է, և անեծքը կատարվում է:

գ/ Մելիքը ուղևորվում է՝ քահանայից ներողություն խնդրելու:

դ/ Մելիքը վանքում լուսարարի պաշտոն է կատարում:

ե/ Մելիքը գողանում է Պետրոս առաքյալի ճկույթը:

զ/ Քահանաներն ուզում են սպանել մելիքին, բայց ձայնը կանխում է:

է/ Մելիքը կառուցում է Ծիծեռնավանքը և ճկույթը պահ տալիս վանքին:

2. Նկարագրի՛ր, թե ինչպես է մելիքը նեղացնում քահանային, թվարկի՛ր դեպքեր:

3. Հիմնավորել, թե Աստծու սպասավոր քահանան ինչպես կարող էր անիծել, և դեռ ավելին, ինչո՞ւ է նրա անեծքը կատարվում:

4. Շարադրի՛ր, թե ինչու է ձայնը կանխում քահանաներին՝ իրագործելու իրենց թաքուն պլանը:

5. Ներկայացրո՛ւ՝ որտեղ է գտնվում Ծիծեռնավանքը և նկարագրի՛ր պատկերը:

6. Բնագի՛րը փոխադրիր որպես մելիքի անձնական խոստովանություն, որն արվել է մահվանից առաջ:



Գտնվում է Արցախի Քաշաթաղ շրջանում

36. Ներկայացրո՛ւ Հ. Շիրազի կենսագրության հիմնական փաստերը, կապի՛ր դրանք նրա ստեղծագործությունների հետ: Հղում՝ <https://lib.armedu.am/resource/29287> (Էջ՝ 134-136, աղբյուր՝ Գ. Գասպարյան. Գրականություն 7-րդ դասարան, Երևան, Տիգրան Մեծ, 2016, 272 էջ):

Ուսումնական նյութը սովորողների կողմից լավ յուրացվելուց հետո ուսուցիչը խմբերին բաժանում է հետևյալ գծակարգը՝ լրացնելու (ԳՈԲՍ) :

Ի՞նչ գիտեինք:	Ի՞նչ ովորեցինք:	Ի՞նչը մնաց անհասկանալի:	Ի՞նչ դիտողություններ կամ առաջարկություններ ունենք:

37. Կենսագրությունից ելնելով՝ գնահատի՛ր Հ. Շիրազի կյանքն ու ստեղծագործությունը՝ նրա ապրած ժամանակաշրջանի համատեքստում:

38. Արտահայտի՛ր սեփական կարծիք Շիրազի կյանքի մասին և նրա կյանքի պատմությունը կապի՛ր իրականության և ժամանակաշրջանի անցուղարձի հետ:

39. Նկարագրի՛ր գարնան գալուստը՝ ըստ տրված նկարի:




40. Նկարագրի՛ր «Թագադրում» բանաստեղծությունում պատկերված արթնացող բնությունը:

41. Մեկնաբանի՛ր «Թագադրում» բանաստեղծության քնարական հերոսի մարդկային ապրումները և հույզերը:

<p>Բնութագրող</p> <p>Բնութագրի՛ր բանաստեղծության լիրիկական հերոսին:</p>	<p>Չգացմունքներն արտահայտող</p> <p>Ի՞նչ զգացումներ ունեցաք բանաստեղծությունը կարդալուց հետո:</p>
<p>Կենսափորձ</p> <p>Բանաստեղծության բովանդակությունը ի՞նչ հիշեցրեց ձեզ: Ի՞նչ համանման պատմություն եք ընթերցել կամ կինոնկար դիտել:</p>	<p>Իմաստավորում</p> <p>Նոր վերնագիր դի՛ր յուրաքանչյուր տանը:</p>

42. Արժևորի՛ր բանաստեղծության արտահայտած հույզը և համեմատի՛ր քո զգացածի հետ:



43. Ներկայացրո՛ւ «Թ-ագադրում» բանաստեղծության բովանդակությունը և արտահայտած գաղափարը:

Բովանդակությունը	Գաղափարը

44. Վերարտադրի՛ր «Թ-ագադրում» բանաստեղծությունը արձակ շարադրանքով:

45. Համեմատի՛ր բանաստեղծությունը քեզ ծանոթ այլ ստեղծագործության հետ, ներկայացրո՛ւ քո դիրքորոշումը:

46. Չուզահեռներ անցկացրո՛ւ «Թագադրում» բանաստեղծության բովանդակության և հեղինակի կենսագրության ու ապրած ժամանակաշրջանի միջև:

Բովանդակության	Հեղինակի կենսագրությունը	Ապրած ժամանակաշրջանը

47. Արտահայտի՛ր քո կարծիքը տրված բանաստեղծական տան վերաբերյալ:

Եվ ես երջանիկ կլինեմ այնժամ,
Եվ գուցե այնժամ ես մահը սիրեմ,
Երբ անմահ լինեմ, երբ հավերժանամ,
Երբ գարունները ողջ թագավորեմ...

48. Հնարավո՞ր է մարդու անմահության երազանքն իրականանա, եթե այո՝ ինչո՞ւ, եթե ո՛չ՝ ինչո՞ւ :

49. Բնագրից դո՛ւրս գրի՛ր մակդիրներն ու համեմատությունները:

Թեմատիկ պլան
Գրականություն
Դասարան՝ 7-րդ
Տարեկան ժամաքանակ՝ 102
Հեղինակ՝ Թամարա Թովմասյան (ծրագրի փորձագետ)

Հ.	Ժամ	Թեմա	Վերջնարդյունք
		ԱՌԱՋԻՆ ԿԻՍԱՄՅԱԿ	
	6/1	Ե. Չարենց: Կենսագրական տեղեկություններ, ստեղծագործության ընդհանուր պատկերը Գաղափար բանաստեղծության մասին:	<i>Ներկայացնի</i> Չարենցի կենսագրության հիմնական դրվագները: <i>Իմանա</i> բանաստեղծության ժանրային առանձնահատկությունները:
	6/2	«Հայրենիքում» բանաստեղծությունը	<i>Տիրասպետի</i> թեմայում առկա նոր հասկացություններին, նոր բառերին և արտահայտություններին: <i>Մեկնաբանի</i> ՝ ինչ պատկերներով է հեղինակը ներկայացնում հայրենի երկիրը: <i>Իմանա</i> իր ազգային պատկանելության, հայրենի երկրի կարևորության մասին:
	6/3	«Ես իմ անուշ Հայաստանի...» բանաստեղծությունը	<i>Ներկայացնի</i> բանաստեղծության հիմնական բովանդակությունը: <i>Ներկայացնի</i> Հայաստանի կերպարը ըստ բանաստեղծության: <i>Ուսումնասիրի և մեկնաբանի</i> գրողի օգտագործած բառապաշարը և պատկերավորման միջոցները և դրանք <i>գործածի</i> խոսքում:
	6/4	«Ես իմ անուշ Հայաստանի...» բանաստեղծությունը	Բանաստեղծությունից սովորած նոր բառերով <i>կազմի</i> նախադասություններ կամ գրավոր կապակցված խոսք: <i>Մեկնաբանի</i> բանաստեղծության տրված հատվածը:

6/5	«Տաղ անձնական» բանաստեղծությունը	<p><i>Պատմելի</i> օգտագործի հեղինակային բառապաշարը, <i>անվանի</i> տեքստի գեղագիտական արժեքավոր հատվածները:</p> <p>Համատեքստային բառերը, սովորած պատկերավորման միջոցները <i>կիրառի</i> խոսքում:</p> <p><i>Գնահատի</i> բնագրի բառապաշարը և հարստացնի սեփական բառապաշարը:</p>
6/6	«Տաղ անձնական» բանաստեղծությունը	<p><i>Դուրս գրի</i> համատեքստային բառեր ու դրանք կիրառի խոսքում:</p> <p><i>Ներկայացնի</i>՝ «Տաղ անձնական» բանաստեղծությունը ինչու է վերնագրել «Տաղ» և ինչու «անձնական» վերնագրով:</p>
3/1	<p>Նաիրի Չարյան: Կենսագրական տեղեկություններ, ստեղծագործության ընդհանուր պատկերը:</p> <p>«Հայրենի տուն» բանաստեղծությունը:</p>	<p><i>Ներկայացնի</i> հեղինակի կենսագրության հիմնական փաստերը և ապրած ժամանակաշրջանը:</p> <p><i>Մեկնաբանի</i> հեղինակի հույզերն ու ապրումները և դրանց ազդեցությունն իր վրա:</p> <p>Բանաստեղծությունը <i>ներկայացնի</i> արձակ շարադրանքով:</p>
3/2	«Հայրենի տուն» բանաստեղծությունը	<p><i>Ներկայացնի</i> բանաստեղծության գլխավոր գաղափարը, ասելիքը:</p> <p><i>Թվարկի</i> ստեղծագործություններից մի քանիսը:</p> <p>Արտահայտիչ <i>կարդա</i> կամ <i>արտասանի</i> բանաստեղծությունը:</p> <p>Բանաստեղծության մի տունն <i>վերարտադրի</i> նկարի միջոցով:</p> <p><i>Նկարագրի</i> իրենց տունը՝ համեմատելով հեղինակի նկարագրության հետ:</p>

3/3	«Հայերեն» բանաստեղծությունը	<p><i>Արտահայտի</i> իր մտահոգությունը մայրենին անաղարտ պահելու վերաբերյալ՝ համեմատելով հեղինակի նկարագրության հետ:</p> <p><i>Մեկնաբանի</i> մակդիրների ու համեմատությունների կիրառման արժեքը բնագրում:</p> <p><i>Գտնի</i> օրինաչափություններ «Ես իմ անուշ Հայաստանի...» բանաստեղծության հետ, նշի տարբերությունները:</p> <p>Բանաստեղծության և կյանքի միջև կապ <i>տեսնի</i>:</p>
1/1	Թեմատիկ գրավոր աշխատանք-1	
4/1	<p>Հովհաննես Ծիրազ: Կենսագրական տեղեկություններ, ստեղծագործության ընդհանուր պատկերը</p> <p>«Թագադրում» բանաստեղծությունը</p>	<p><i>Ներկայացնի</i> Հ. Ծիրազի կենսագրության հիմնական փաստերը, <i>կապի</i> դրանք նրա ստեղծագործությունների հետ:</p> <p><i>Գնահատի</i> Հ. Ծիրազի կյանքն ու ստեղծագործությունը՝ նրա ապրած ժամանակաշրջանի համատեքստում:</p> <p><i>Արտահայտի</i> սեփական կարծիք գրողի կյանքի մասին և նրա կյանքի պատմությունը կապի իրականության և ժամանակաշրջանի անցուղարձի հետ:</p> <p><i>Արժևորի</i> բանաստեղծությունում պատկերված արթնացող բնությունը, մարդկային ապրումը և հույզը, <i>համեմատի</i> իր զգացածի հետ:</p>
4/2	«Թագադրում» բանաստեղծությունը	<p><i>Ներկայացնի</i> բանաստեղծության բովանդակությունը և արտահայտած գաղափարը:</p> <p><i>Ներկայացնի</i> բանաստեղծի անձնական ապրումներն ու բնության պատկերների գուգակցումը բանաստեղծու- թյան մեջ:</p> <p><i>Մեկնաբանի</i> բանաստեղծությունը՝ գուգահեռներ անցկացնելով բովանդակության, հեղինակի կենսագրության ու ապրած ժամանակաշրջանի միջև:</p>

			<p><i>Համեմատի</i> բանաստեղծությունը իրեն ծանոթ այլ ստեղծագործության հետ՝ ներկայացնելով իր դիրքորոշումը:</p>
--	--	--	--